



20. juli 2015

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

1.

**Naalakkersuisut 'illup iluani' tusagassiutinut tapiissutinut naliliisitsisimaneranut saqqummiussinissaannut inatsisitigit arlaannaatigulluunniit akornutissaqarpa? Paasisimasakka naapertorlugit 'illup iluani' allakkiat saqqummiunneqarnissaannut inerteqqutiginnittunik malitarisassaqqanngilaq. Pingaartumik pisamut paasisaqqartoqarusunnera avataaniillu soqutiginnittoqarnera eqqarsaatigissagaanni.**

2.

**Maannakkut Naalakkersuisut Naalakkersuisuusimasullu aalajangiussaannut inatsisitigit naliliineq tunngaviliisoq kia suliarisimavaa?**

3.

**Naalakkersuisut isumaat naapertorlugu missingersuutinut ilanngussat missingersuutaappat (vejledende)? Naalakkersuisut missingersuutinut ilanngussat missingersuutitut isigippatigit tamanna itisileqqussavara, uangami Missingersuutitut inatsisip § 12-anut oqaaseqaat ima paasivara tassa missingersuutinut ilanngussat missingersuutitut isigineqassanngitsut<sup>1</sup>.**

(Inatsisartuni ilaasorta, Naaja H. Nathanielsen)

### **Tunngavilersuut**

Tusagassiutinut 2014-mut tapiissummut tunngatillugu suliarineqarsimaneranut apeqquteqaqqaqqittariaqarnera ajuusaarutigaa. Isumagali naapertorlugu pisaq manna

---

<sup>1</sup> Link:

[http://naalakkersuisut.gl/~media/Nanoq/Files/Attached%20Files/Finans/DK/Budgetregulativ%20og%20budgetlov/Budgetlov\\_alm%20bem%C3%A6rkninger.pdf](http://naalakkersuisut.gl/~media/Nanoq/Files/Attached%20Files/Finans/DK/Budgetregulativ%20og%20budgetlov/Budgetlov_alm%20bem%C3%A6rkninger.pdf)

§ 12-imut oqaaseqaatinut

Aalajangersakkami oqaaseqataatit qanoq ittut aningaasanut inatsimmut ilaassanersut aalajangerneqartarput.

Ukua ilanngunneqarnissaat allassimavoq:

- 1) Inernerinut nalunaarsuut,
- 2) Susassaqarfiit akimorlugit inernerinut nalunaarsuut
- 3) Kontomut pingaarnermut nalunaarsuut
- 4) Missinersingersuutinut nalunaarsuut kiisalu
- 5) Imaanut oqaaseqaatinut nalunaarsuut.

Nalunaarsuutit pingasut siullertut taaneqartut siunnersuutaapput, missingersuutinut ilanngussat imaanullu oqaaseqaatit aningaasaliinermi piumasaqaatinut nassuiaataasut. Aningaasaqarnermut Naalakkersuisup nalunaarsuutinut tallimanut aalajangersarneqartut suliarineqarnissaannut aalajangersaasinnaavoq, tasanilu assersuutugalugu missingersuutinut ilanngussat aalajangersimasumik isikkoqarnissaannut skabelonliortoqarsinnaavoq.

tunnngaviusutut isigaara Naalakkersuisullu Aningaasanut Inatsimmik qanoq paasinninnerannut tunngasuulluni.

Isumaga naapertorlugu Inatsisartut aningaasanut inatsimmik akuerisaminnik Naalakkersuisut malinninnissaannut naatsorsuuteqarnerat pingaaruteqarluinnarpoq – soorlu inatsisinut Inatsisartut akuersissutigisaannut allanut tamanna atuuttoq. Naalakkersuisut missingersuutitut ilanngussanut (kontinut ataasiakkaanut nassuiaatinut) qanoq paasinnissimanagerat qitiuvoq. Uanga isumaga naapertorlugu missingersuutit ilanngussat missingersuutissatut (vejledende) atortariaqanngillat. Tassaappulli kontonut ataasiakkaanut aningaasaliinernut patsisilersuutit. Taamaattumillu tusagassiutinut 2014-imut tapiissutip itigartinneqarnerata ”unioqqutitsisuunanilu tunngavissaqarluartuuneranik” Naalakkersuisut oqartuarnert assut paasiuminaatsippara?

Tamannalu tunngavigalugu tassa apeqquteqaqqittariaqarpunga.

Ullut suliffiusut qulit iluanni apeqqutima akineqarnissaat kissaatigaara.